

c14. serbski swjedzeń we Wuježku

Serbske ewangelske towarstwo přeprašuje zaso wšitkich Serbow a dalšich zajimcow sobotu, 18. awgusta, na lětnje pućowanje a serbski swjedzeń do Wuježka pod Čornobohom. Zetkamy so w 13.00 hodź. pola Krygarjec (Wuježk č. 31A). Wot tam pućujemy na Čornobóh. Njezabudźće na krute črije a dolhe cholowy! Po puću njech so kóždy sam ze swojeho nachribjetnika zastara.

Po zwučenym wašnjem přizamknje so po pućowanju a kofeju w 17.00 hodź. nutrnosť ze Serbskim superintendentom Janom Malinkom na Pawlikec statoku. Wot 18.00 hodź. wjeselimy so na skupinu Kula Bula z Delnjeje Łužicy. To rěka dobra hudźba hač do połnocy a wězo wobstej tež móžnosť sobu rejować. Wo to skupina swój publikum přeco prosy. Tež džěci móža so na tu a tamnu překwapjenku wjeselić.

W bróžni budže bifej přihotowany. Štóž chce tykanc pjec abo něšto za bifej přinošować, njech so prošu přizjewi (tel. 035939 80502). Nad kóždej pomocu wjeselimy so.

Štóž trjeba transport, njech so prošu tež přizjewi. Na nutrnosť pojedže bus přez wjeski Bukečanskeje wosady a po programje zaso domoj.

Wobsteji móžnosť, pola Krygarjec na zahrodže stanować a přenocować. Přeprašeni su wězo tež wšitecy, kiž chcedža hakle na nutrnosť abo program přińć. Při sylnym dešču zetkamy so w 17.00 hodź. na wosadnej žurli w Bukecach.

Krygarjec swójba z Wuježka

Serbske ewangelske towarstwo